

影印  
文淵閣

四庫全書

影印

文淵閣四庫全書

第一二二五冊

北京出版集團公司  
北京出版社

# 本冊目次

誠意伯文集

明 劉 基撰……………一

鳳池吟稿

明 汪廣洋撰……………四九三

陶學士集

明 陶 安撰……………五六七

西隱集

附錄

明 宋 訥撰……………八〇九

欽定四庫全書

集部  
誠意伯文集卷一

詳校官中書臣呂光復

中書臣劉源溥覆勘

總校官編修臣王燕緒

校對官編修臣秦泉

謄錄監生臣秦鴻甲

欽定四庫全書

集部六

誠意伯文集

別集類五明

提要

欽定四庫全書

誠意伯文集  
提要

臣等謹案誠意伯文集二十卷明劉基撰基有國初禮賢錄已著錄其詩文雜著凡郁離子四卷覆瓿集十卷寫情集二卷春秋明經二卷犁眉集二卷本各自為書成化中浙江察院重為刊板始合為一帙而冠以基孫鷹等所撰翊運錄蓋以中載詔旨制敕故列之卷首然其書究屬鷹作用以編入卷數使此集標基之名而開卷乃他人之書殊乖體例今移綴是錄於末簡以正其訛餘十九卷則悉仍原次以存其舊基遭逢興運參預帷幄秘計深謀多所裨贊世遂謬謂為前知凡識緯術數之說一切附會於基神怪謬妄無所不至方技家遞相獎惑百無一真惟此一集

尚實出基手其詩沈鬱頓挫自成一家足與  
高啟相抗其文闕深肅括亦宋濂王禕之亞  
楊守陳序謂子房之策不見詞章元齡之文  
僅辨符檄未見樹開國之勲業而無傳世之  
文章可謂千古文豪斯言允矣大抵其學問  
智略如耶律楚材劉秉忠而文章則非二人  
所及也乾隆四十六年四月恭校上

總纂官臣紀昀臣陸錫熊臣孫士毅

欽定四庫全書

誠意伯文集  
提要

總校官臣陸費墀

誠意伯文集序

國初誠意伯劉公伯溫嘗著郁離子五卷覆瓿集并拾  
遺二十卷犁眉公集五卷寫情集暨春秋明經各四卷  
其孫薦集御書及狀序諸作曰翊運錄皆錄梓行世然  
諸集渙而無統板畫久而寢湮學者病之巡浙御史戴  
君用與其家薛君謙楊君琅謀重鋟廼錄善本次第諸  
集而冠以翊運錄俾杭郡守張君僖成之屬守陳序維  
公以命世豪傑之才出佐我高皇剪羣雄混六合讜言

欽定四庫全書

誠意伯文集  
序

鉉議牘道天衷偉略奇謀指授羣帥者鼎彝勒之汗青  
書之四方尚能道之方其未遇也鬱積感情憤發之大辭  
若四嶽之出雲無窮若公輸之營衆宇各盡其制若孫  
武子之師戈甲蔽野而不聞喑鳴叱咤之聲若大海浩  
洪中畜虬螭鯢鱣鼉鼉之屬觀者眙眙而莫能名然皆  
載道之航輪濟世之梁帛時已傳誦之及達而施之朝  
廟播之華夷垂之百世之下焯乎不可朽也三代之英  
卓矣漢以降佐命元勳多崛起草莽甲兵間諳文墨者

殊鮮子房之策不見辭章元齡之文僅辨符檄未見樹  
開國之勲業而無傳世之文章如公者公可謂千古之  
人豪矣而世或疑其仕元或獨稱其觀象者是猶訾伊  
尹之五就知周公止於才藝而已不亦陋乎三御史之  
重銓茲集蓋高山景行之志也守陳之序居培塿而論  
蒿低持土苴而真之夜光朝采之上可乎哉成化六年  
夏六月四明楊守陳序

欽定四庫全書

誠意伯文集  
序

二

欽定四庫全書

誠意伯文集卷一

覆瓿集一

古賦

述志賦

鮮余性之眇眇兮荷后皇之深仁具五氣以成形兮受  
明命而為人體乾坤之粹精兮晞日月之景光漱飛泉

欽定四庫全書

誠意伯文集  
卷一

之華滋兮浥灝露之醇英製杜蘅以為衣兮藉蒹若之  
菲菲佩琳瑯之玲瓏兮帶文藻之葳蕤朝濯髮于蘭池  
兮夕偃息乎瓊苑願馳騫以遠遊兮及白日之未晚駕  
輕輶之將將兮服蒼虬之駢駢遵大路以周流兮曳虹  
蜺之委蛇狹長離而棄鵠兮歎閭闔之九門豐隆為余  
先導兮百靈為余駿奔前燭陰以啟途兮颺凱風使清  
埃觀北斗于文昌兮朝玉皇于帝臺食玄圃之丹萸兮  
澡天潢之芳津激微蟲于桂枝兮輕波起而龍鱗清都

明 劉基 撰

不可以久留兮忽乘雲而遐征浮江湖之浩茫兮陵山  
嶽之崢嶸野莽蒼以多榛兮路險隘而紆曲楔猢猻然  
而攫噬兮蝮蛇蜿蜒以當陸鬱忡忡以怵惕兮適皇皇  
以營營雨淫淫而不止兮霧黯黯以晝冥烏鳶號以成  
羣兮鳳孤棲而無所楚屈原之獨醒兮衆皆以之為咎  
欲振迅以高舉兮無六翮以奮飛將抑志以從俗兮非  
余心之所怡長太息以增歎兮哀時世之異常棄韶夏  
而非聽兮登傑休于中堂芼軒于以和羹兮腌鮑魚而

欽定四庫全書

誠意伯文集  
卷一

二

實俎斯梗楠以給爨兮束荆棘而為柱施罾麗于丘陵  
兮怨魴鯉之弗獲虎兕送于山林兮循戶庭以求索前  
蒙眛以指途兮彊揚子使操轅命侏儒令舉鼎兮則都  
盧使守閭歲冉冉而將頽兮日曖曖以就昧松柏摧而  
根死兮江河化而為滄秣余馬于不周兮整余轡於樊  
桐無著龜以決疑兮迷不知余所從搏扶搖以為輿兮  
攬列缺以為輶驂青鸞之芟芟兮起烟靄而上浮梁天  
津以濟河兮睇紫微之神闕開明怒目而電視兮貌豹

吼而山裂進無人以為之先容兮欲自獻而不敢氣勃  
鬱以憑中兮心惻惕以懔懔過少微而歷明堂兮就軒  
轅而陳情雷霆砰其隱轡兮馬辟易而不行訪六符于  
泰階兮求民極之所在咎繇不可以作兮競狂直以為  
罪凌天街以徑度兮造旬始而瞻西清衆畏讒而卷舌  
兮孰能白予之忠誠怙悻其無止兮然悄悄以狐疑要  
傳說于箕尾兮命靈龜使占之曰有名必有實兮若形  
影之相因想福極出自天兮又何尤乎世之人鼎胡時

欽定四庫全書

誠意伯文集  
卷一

三

而不烹兮旗胡張而弗麾孤不可以射侯兮駟不可以  
策而馳衆蠕蠕以朵頤兮若頽波之東趨謂輩翟為弗  
章兮愛羸豕之負塗方不可利而規兮白不可涅而黑  
悲桂椒之芬芳兮與朝菌而偕落殷比干之剖心兮時  
宜不知其為聖人魯仲尼之過化兮焉役役而無所容  
其身由彊義而罹殃兮惠直道而彼黜子胥忠而殞命  
兮伯夷清而不食將登山而迷路兮欲涉水而無航東  
西南北安所之兮顧焉擇其所長神冥冥而不下兮龜

又厭而弗告思糾結而不抽兮意恍惚以震悼忽濫汜以遐舉兮行遊目於大荒義和不可扳而留兮恐年歲之弗將駕廣漠而南征兮叫重華于九疑山岑岑以蔽天兮江淼淼而不可窺遭吾道夫西陸兮聽鳴鳳于岐陽慨永泰之離離兮梧桐摧而不生浮龍門以沂河兮訪夏后之遺跡川潰混而不分兮鯨鯢起而人立攬騑轡而迴驚兮謁陶唐之舊京無衣裳以禦寒兮哀蟋蟀之悲鳴心悵悵以增傷兮神夢夢其若醉淚洛洛以交

欽定四庫全書

試意伯文集  
卷一

四

流兮憂湛湛而來會傳說之版築兮無武丁其誰舉夷吾不逢夫鮑叔兮竟淪沒于囹圄推竭心以服勤兮上介山而立枯種霸越而滅吳兮終刎頸于屬鏤樂毅升于金臺兮何遁逃而走趙周條侯之耿介兮卒含怨以餓餒忠有蔽而不昭兮道有塞而不行名不可彊而立兮功不可期而成李斯上書以相秦兮空自陷於罪尤賈臣顯而修辱兮宜如負薪之無憂魚赴餌以中鈎兮雉慕媒而膺鎬鳳翔于丹穴兮又何患乎矰弋返余

旆之旖旎兮還余車之轉轉采薇蔽于山阿兮擷芹藻于水濱冽玄泉以瑩心兮坐素石以怡情聆嚶鳴之悅豫兮翫卉木之敷榮挹清風之泠泠兮照秋月之娟娟登高丘以詠歌兮聊逍遙以永年

弔諸葛武侯賦

天地閉塞兮聖賢隱淪大旱焦土兮龍無所用其神當運命之厄窮兮堯舜且猶有極委厥軀以隨化兮亦哲人之所戚彼狂猾之縱悖兮履昇莽以滔天亂倫汨典

欽定四庫全書

試意伯文集  
卷一

五

兮流毒為淵夏少康之不作兮時又無湯與武蕨蕨不可以食兮焉眾眾而獨處瞻三顧之疑惘兮躡高光之所為鳳凰非梧桐不棲兮于嗟去此其安歸瞻星芒于渭濱兮豈皇天之叛渙日昃不可使再中兮指桓靈而慨歎昔尼父之不逢兮寓斧鉞于春秋誅姦邪於既死兮開日月之昧幽般紛紛以攘奪兮世不以之為殃民彝泯滅猶一髮兮微斯人其孰明覽出師之遺表兮涕淫淫其如雨悲逝者之不回兮邈英風于萬古

弔祖豫州賦

汙池汀滯兮蛙黷樂之大鵬天遊兮燕雀謂女奚為狐  
狸冠裳兮梟獍堂宇支離節䟽兮側身無所嗚呼將軍  
兮管葛之倫遭逢庸愚兮有志莫伸委棄九鼎兮烹飪  
瓦釜截梁為杙兮束椽為柱偃背泰山兮依倚培塿圭  
璋砢砢兮沙礫瓊玖山陵暴骨兮社稷黍離故臣酸嘶  
兮行人涕洟卧薪嘗膽兮此維時矣宣光不作兮吁其  
悲矣烏號之徹札兮無養由以操之驊騮不逢伯樂兮

欽定四庫全書

誠意伯文集  
卷一

六

與驚駘而並馳系曰龍嘘而雲兮夫豈不能自翔鴻鵠  
舉翮而千里兮又何必懷此鄉魚遊思故淵兮鳥棲思  
故林吾固知將軍之不忍兮惜庸夫之無心日曖曖以  
西傾兮時靡靡而就逝雁驚羣而喋呶兮鸞鳳反為所  
制世治亂之有數兮天亦無如之何也匪將軍之不能  
兮惜不幸而逢此時也死有重於泰山兮繫生民之休  
戚吾獨悲夫將軍兮仰玄穹而太息

弔岳將軍賦

木之顛兮其根必傷人之將死兮俞扁以為不祥嗚呼  
將軍夫何為哉天地易位兮江河倒流鳳凰天殫兮豺  
狼冕旒臣不知有其君兮子不知其有父嗚呼將軍兮  
獨銜冤而懷苦讐何愛而可親兮忠何辜而可戮父兄  
且猶不顧兮何忠良之能育臣竭心以為主兮又何可  
以為仇也天之所廢不可植兮亦將軍之尤也烏傷弓  
而欲殞兮羣啞啞而拊翼猿猱縻于機檻兮羈悲鳴而  
不食相伊人之有心兮曾鳥獸之不如忘戴天之恥

欽定四庫全書

誠意伯文集  
卷一

七

兮安峻宇而高居信讒邪之矯枉兮委九廟于狐狸甘  
卑辭以臣妾兮苟殘喘以娛嬉焚舟楫于洪流兮烹驪  
騮于中路庸夫亦知其至愚兮羌獨迷而弗寤捐薄軀  
以報主兮乃忠臣之素心縱狂瞽之弗思兮又何必以  
之為禽屈原貞而見逐兮伍子忠而獲戾固將軍之不  
辰兮哀中原之蕪穢弔孤墳于湖濱兮見思陵之牛羊  
寄遙情于悲歌兮識忘親之不臧

弔台布哈元帥賦

世有作忠以致怨兮曾不知其故然懷先生之耿介兮  
遭時命之可憐上靡蔽而不昭兮下貪婪而不貞權不  
能以自制兮謀不能以獨成進欲陳而無階兮退欲往  
而無路忠沈沈而不自白兮心搖搖而不固繫乘黃服鼓  
車兮駢蹇驢以曳之胃猛虎于籠檻兮狐狸羣而制之  
衆刻木之枉直兮信讒邪之流言倒裳以為衣兮涅素  
以為玄前宥冥令指途兮驅離婁使從之教養由以彎  
弧兮繫其肘而引之吁嗟先生兮何逢時之不辰生不  
能遂其心兮死又抑而不伸姦何為而可長兮忠何為  
而可尤尸比干而獎惡來兮白日為之昧幽重曰嗚呼  
哀哉吾安歸乎猗猗升堂兮騶虞以為妖殪鳳凰而斲  
麒麟兮糜梁肉以養梟吠狗遭烹兮捕猫蒙醢雄鷄晨  
鳴兮衆以為罪忠固不求人知兮於先生其何傷國有  
忠而不知兮喟皇天之不祥亂曰莽莽崇立閭無人兮  
天高聽遐疏不得親兮松柏摧折荆棘長兮軒于葦苑  
充佩纓兮浮雲虹蜺紛縱橫兮上下阻隔幽不能明兮

欽定四庫全書

誠意伯文集  
卷一

八

嗟苦先生卒罹殃兮姦邪矯枉歸罪愆兮咎繇不作誰  
與平兮跖犬噬由理則然兮麒麟豺狼不同羣兮自古  
有之吾又何嗟兮

伐寄生賦

并序

余山居樹羣木嘉果駢植人事錯迂斤斧不修野鳥棲  
息糞其上茁異類日夕滋長舊本就悴余覩而悲之乃  
募趨捷腰斧鑿升其巔剝條剔根聚其遺而燔之於是  
老幹挺立新莖濯如若瘡瘍脫身大姦去國斧鉞之時

欽定四庫全書

誠意伯文集  
卷一

九

用大矣哉作伐寄生賦

天生五材兮資土而成汝獨何為兮附麗以生疣贅蝨  
蝦兮枝牽蔓縈瘠人以肥已兮偷以長榮狀似小人之  
竊據兮謂城社之可憑觀其陰不庇物材匪中器華不  
羞于几筵實不諧於五味來鳥鳥之呢聒集虫豸以刺  
蚝果被之而實萎卉蒙之而本悴壇杏無所容芬芳甘  
棠曷能成其蔽芾亶無庸而有害矧眶睫之可置爾乃  
建修竿升木末運斤生風以翦以伐脫纏牽於喬竦落

纖蕤之騷屑剝鮮膚以除根敷去毒而刮骨於是巨蠹  
既夷新莢載蕃迎春而碧葉雲滃望秋而碩果星繁信  
知谷鉞之神用寧能裕蠱以生患也耶嗟夫農植嘉穀  
惡草是芟物猶如此人何以堪獨不聞夫三桓競與魯  
君如寄田氏厚施姜陳易位大賈入秦柏翳以亡園謀  
既售半化為黃蠹憑木以槁木姦憑國以盜國鬼居盲  
而人殞梟寄巢而母食堅氷戒乎履霜羸豕防其躅躑  
諒前轍之昭昭何人心之自惑故曰非其種者鋤而去  
之信斯言之可則

欽定四庫全書

誠意伯文集  
卷一

十

騷

九歎九首

秋風起兮夕露溥浮雲沉陰兮白日晝寒木葉落兮水  
泉乾孤雁鳴兮悽以酸攬余轡兮悵盤桓野蕭條兮行  
路難豺狼驕兮孤克頑蘭蕙死兮荆棘蕃我欲奮飛兮  
無羽翰援雅琴兮發哀彈絃斷絕兮涕汎瀾

我髮種種兮颯如其稀我心悵悵兮忽若有遺過吾不

能改兮德吾不能知往者不可悔兮來者不可期進無  
益于世兮退將安歸嗚呼已矣兮吾寧不悲  
天有田兮不可以耕山有龜兮不可以知咎徵剡蒿以  
為梁兮削菌以居楹匠石却走兮工垂拊膺登高望遠  
兮觀四瀛水東流兮日西傾般紛紛兮各有營我獨展  
轉兮從夜達明

欽定四庫全書

誠意伯文集  
卷一

十一

風飄飄兮揚塵野寂寞兮無人舟何為兮山阿車何為  
兮水濱北望楚兮東望秦倒江河兮亂星辰天門窈窕  
兮重九闋願有言兮遠莫陳虎豹颺颺兮為喜為瞋橫  
流涕兮瞻蒼旻心馮噫兮不能伸麋有角兮龍有鱗空  
山寥寥兮吾誰與鄰

江無舟兮河無梁隰有荆棘兮而無稻梁鷹化鳩兮雀  
變隼狸為貙分龍為蜺睠長顧兮情紆軫九疑高兮禹  
穴幽梧桐枯兮鳳不留山木慘慘兮叫鵲鵲鴻鵠飛兮  
無所投雲杳杳兮雨悠悠孰懷情兮知此愁

虎厭肉兮騶虞苦飢獺升堂兮麒麟受羈黃犢薦滑兮

章甫承綦箭韶屏棄兮絃筦堯離指玉以為石兮削方  
以為規天不可問兮神不可容繫彼之是兮而此之非  
有樗在林兮有櫟在廬著龜孔昭兮勿遠余思

今夕何夕兮天宇清步逍遙兮仰觀列星河漢皎兮北  
斗橫悲風發兮候虫鳴林鳥起兮沙鷗驚長夜寥寥兮  
何人哭聲愴怳兮不忍聽回身入房兮淚沾纓蛟虬  
偃蹇兮豺虎獐狐無弦兮車說其衡知不可慮兮誰女  
今蹇淹留兮難為情

欽定四庫全書

誠意伯文集

十二

履霜思裴兮燠則棄之臨河號舟兮濟而置之不網胡  
魚兮不弋胡鵠剪薤杞梓兮索濯莽以取木捕猫乳鼠  
兮僉以為仁吠狗宵警兮行者怒瞋彈鸞養梟莫知其  
咎斷氷以承宮兮曷云能久長太息兮有所思林木動  
兮巢鳥悲山有藿兮園有葵心懷君兮君不知

秋天沈淒兮百草黃螭蛄悲吟兮朝榮有芳屣履起兮  
獨彷徨心悠悠兮懷故鄉原有粟兮隰有禾桂花紅兮  
蘭紫芽涼風動兮松柏馨流潦落兮水泉清蔬可茹兮

秫可酒集鄉里兮會親友坐白日兮蔭蒼筠翫明月兮  
思古人魚歸淵兮狐首丘終余生兮安所求

秋日慘淡

秋日慘淡兮秋風其颼白露既下兮繁霜繼之藥離其  
根兮葉脫其枝丰者黝顏兮柔者就萎登高望遠兮涕  
泗滂沱松柏希少兮蒲柳何多露不盈條兮霜晨以晞  
歲晏玄氷兮知將奈何

思歸引

欽定四庫全書

誠意伯文集

十三

山高高兮可以望四荒胡躋爾巔兮而不見我故鄉歲  
云莫兮無衣裳車罷馬羸兮僕夫頓僵水有蛟鰐兮陸  
有虎狼于嗟奈何兮惟懷永傷

松筠軒歌

彼松之高兮矯吾以其操兮此竹之節兮耿吾以其潔  
兮露漙漙兮宵明烟霏霏兮曉清風聲我琴兮鳴鸛我  
笙繼胡為兮我衣塵胡為兮我纓隄兮鼯窈兮幽驂  
青鸞兮服蒼虬吾與元氣兮升降與雲霞兮綢繆逍遙

兮相羊終吾生兮樂以忘憂

漁父歌

江之水兮悠悠深有鯉鯉兮淺有藻與蓴檜為楫兮松  
為舟其釣伊緡兮人誰女尤江之水兮娟娟蒹葭吟風  
兮楊柳含烟有鮪在穴兮有魴在淵其釣伊絲兮人誰  
女憇江之水兮浪浪泳之沄沄兮浮之洋洋有魚與鰕  
兮可釣以網無遐爾思兮人誰女傷

麥舟圖歌

欽定四庫全書

誠意伯文集  
卷一

十四

我馬飽粟兮彼食不選批糠我麥滿舟兮彼無以送其  
死亡我忽見兮哀不能忘推以與之兮我心乃康我聞  
在昔兮有虞夏商一夫百畝兮家有稻與粱生不餓殍  
兮死有藏嗚呼兮不得見兮使我心傷

山陰王景回友樵齋辭

稻粱離離兮稂莠驕驕麟不可以偶狼兮鳳不可以侶  
梟求羊無人兮鍾子寂寥哀風感發兮原野蕭條四顧  
彷徨兮憂心且焦若有人兮在山椒攜糧負薪兮嘯歌

以遨黜陟無聞兮寵辱不搖嗚呼吾爾羣兮去無待子  
招臨流泉兮倚逍遙無斤我松兮無使柏也凋

柳橋漁唱二首為黃中立作

春風淡淡兮湖水波柳垂橋兮青烟滿莎扣予舷兮發  
長歌靡白蘋兮亂鴛鴦前有蛟兮後有鼉予往予還兮  
吁予奈何

彼湖有波兮此橋有柳我維我舟兮聊以搔我首放歌  
逍遙兮哀莫予偶有箴在罾兮有沙在留逝者滔滔兮

欽定四庫全書

誠意伯文集  
卷一

十五

羌不可以久綠蘋兮菲菲落花兮點衣江無津兮海無  
涯嗚呼寂寥兮吾誰與歸

獲麟操

有獸維麟兮獵者獲之折肢毀膚兮曾不如鹿與麋嗚  
呼哀哉兮爾何生于此時周公已矣兮吾能不悲

在陳操

彼山有楊兮彼隰有柳彼路斯何兮孔棘且阻玄雲杳  
冥兮不日以雨重華寂寥兮誰與晤語茫茫九州兮孰

為予所龜蒙無人兮駕予歸處

白雲歌為良上人作

用貞上人以白雲隱居名其舍蓋取諸唐狄公之言以寓其思親之意括蒼劉基為之歌曰

青山兮翠微白雲兮孤飛悵遊子兮遠于離不如雲兮  
條往而歸白雲兮容與青山兮欲雨懷予親兮在雲之  
下雲兮雲兮歸予從女

秋山圖歌

欽定四庫全書

誠意伯文集  
卷一

秋風起兮蕭蕭望青山兮寂寥水泠泠兮出石葉槭槭  
兮辭條氣悽悽兮就寒夜耿耿兮不朝鳳凰兮安之梧  
桐兮早凋思美人兮隔江河玄雲冥兮天路遙託宵夢  
兮遠徂征款扶桑兮倚消搖盼青離兮不來愴怆恨兮  
魂屢飄願乘風兮絕浮雲要洪崖兮訪子喬高無梯兮  
深無航龜鼈陸梁兮虎豹騎歸來兮歸來紫芝有萐兮  
黃精有苗

梁孝子廬墓詞 并序

梁君天民思其父母而廬于墓將終身焉夫廬墓非古  
禮也然人子之情有不能已而自我為之君子不非焉

或乃狀其景物而詠歌之則悖於禮而非孝子之本心  
矣故為之作楚語使梁君聞之必愀然悲曰他人有心  
予忖度之夫子之謂也不其庶乎其詞曰

陟彼岵兮望父陟彼屺兮望母若儀容兮在前恍音聲  
兮在後陟彼屺兮望母陟彼岵兮望父愴怆惻兮無聞  
心搖搖兮愁苦聞空廬兮山之巔朝松有嵐兮暮蘿有  
烟其下維地兮其上維天食思寢思兮以日以年嗚呼  
魂乎其有知兮天相從於九泉

送龍門子入仙華山辭

龍門先生既辭辟命將去入仙華山為道士而達官有  
邀止之者予弱冠嬰疾習懶不能事嘗愛老氏清淨亦  
欲作道士未遂聞先生之言則大喜因歌以速其行先  
生行吾亦從此往矣他日道成為列仙無相忘也其辭  
曰

欽定四庫全書

誠意伯文集  
卷一

青山崔嵬兮烟雲杳冥回溪鬱紆兮巖谷晦明修篁雜

樹兮相蔽虧洞壑窈窕兮人不知清猿警夜兮鶴報晨

花開鳥啼兮長如春隰有芷兮陵有茗美人不來兮山

寂寥瓊芝兮玉華丹萼兮翠葩紫萼兮黃精礪礪兮鬢

髻蜚梁連蜷兮登降崩窈幽澗礪兮散晃謫詭芳蘭

桂椒兮或紅或紫松風澗泉兮金石盈耳梧桐萋萋兮

竹實葢葢鳳凰翔鳴兮五色卉煒望美人兮翠微空山

寂寥兮遲爾來歸霓為衣兮霞為裳飲沆瀣兮食瑤漿

欽定四庫全書

誠意伯文集

卷一

晞正陽兮澡淪陰精神完兮毛髮香握六符兮躡九靈被

喬雲兮歌洞章御扶搖兮款天門詣北斗兮覲虛皇超

鴻濛兮軼希夷造無始兮逍遙娛召秦女兮吹簫使湘

娥兮彈絲洪崖嘯歌兮王母啟齒萬舞齊進兮襟佩颯

纓長離前驅兮鸞鳥為使蒼龍駢駢兮白虎旁雷公

磅礴兮列缺旭旭登明堂兮絕河津上閭道兮攀勾陳

過三危兮繞玄冥出太微兮入西清憩牛渚兮泛靈槎

乘回飈兮以還家美人兮歸來山中兮其樂無涯

王彥中哀辭

王氏二子者故宋給事中信之闕世孫也長曰鍾字彥

中次曰錡字彥和是同母一乳而生二子焉及長俱好

學能文詞至正癸巳其長以春秋經魁鄉貢次榜行省

銓授建德路學錄未幾以力學得疾至丁酉四月卒鄉

人咸痛惜之蓋期其成而不意止于斯也其弟悲哭不

能自勝於是元帥石末公聞之為詩以弔且唁而劉基

為文以哀之其辭曰

欽定四庫全書

誠意伯文集

卷一

朝出兮雁行暮歸兮相將聯綵服兮上高堂棣華莽兮

親樂康忽秋霜兮夏零淒風發兮凋紫荆同氣兩身兮

一死一生車隻其輪兮嗟何以行窈窕兮悵悵想形容

兮不可尋飲泣兮吞聲悲慈親兮傷心俯重泉兮永隔

掩此哀兮何極盡禮事生兮恪恭子職是謂孝友兮死

者瞑目

古樂府

艾如張

有苑者林衆鳥萃之我欲張羅榛楛翳之既礪我斧又  
飭我徒孰是真穢而不剪除爰升于虛以相乃麓有條  
我網載秩我目有鳥有鳥五采其章嘒嘒皆皆率彼高  
岡張之弗獲憂心且傷寤寐懷思曷云能忘有鳥五采  
亦既來止昭其德音以相君子君子宜弟其儀是若艾  
而張矣云胡不樂

芳樹

蔚彼芳樹生于蘭池景風晝拂榮泉夜滋煜如其光炫

欽定四庫全書

誠意伯文集  
卷一

二十

于朱曦含華吐芬嚶鳴滿枝君子有酒以遨以嬉羽觴  
交橫吹竹彈絲相彼草木允惟厥時良辰易徂能不懷  
思沛其邁矣其誰女悲

上陵

零雨霏霏亦降于桑愴懷中懷念昔先皇惟昔先皇創  
業孔艱寤寐興懷能不永歎精靈安所體魄焉依幽明  
隔絕曷已其思堂堂梓宮在彼高岡霜露是萃能不慨  
傷禮起由情將情繫物溥斯索矣庶其罔闕郊社既虔

宗廟孔威上陵是申式昭孝思

將進酒

有酒湛湛亦盈于觴酌言進之思心洋洋亦有兄弟在  
天一方安得致之樂以徜徉有酒在尊既旨且清何以  
酌之有觥其觥豈不欲飲惜無友生愴懷傷懷曷云其  
平兄弟之合如塤如篪朋友既比如岡如維死喪急難  
是責是疵今日有酒如何勿思人亦有言解憂惟酒載  
懽載歎亦孔之咎我觴維瓊我掌維玖以樂兄弟以宴  
朋友

欽定四庫全書

誠意伯文集  
卷一

三十一

上之回

上之回六龍矯捷光耀拂驚鳥輶石闕匝棠梨揚靈旗  
縣月支天馬來宛居劉穆上玄釐穰穰坐明堂朝萬方  
翕披離玉燭光於億年樂未央

朱鷺

朱鷺來玉山巔頽翁引燦臆延朱鷺來絕流赧飲赤水  
食丹砂朱鷺來炎德加威昆明滇楚訛朱鷺來集太液

帝錫祐荒廣斥朱鷺來輝煌煌挾鷦鷯鳳凰朱鷺來  
皇之輝神筴演無窮期

### 巫山高

巫山高哉鬱崔嵬下有江漢浮天回深林日月照不到  
洞谷闔闔生風雷危峯半出赤道上落日猿狖鳴聲哀  
虎牙赤甲關雄壯風氣以之而隔閼楚王遺跡安在哉  
但見麋鹿跳蕨萊當時忠臣放澤畔乃與靳尚相徘徊  
山中妖狐老不死化作婦女蓮花腮潛形謫跡託夢寐  
欽定四庫全書  
誠意伯文集  
卷一  
十二  
變幻涕洟成瓊瑰神靈震怒不可禱雲霧慘淡昏陽臺  
猛風吹雨洗不盡假手秦炬歟飛灰精誠感應各以類  
世間妖孽匪自來君不見商王夢中得良弼傳巖之美  
本安匹巫山何事近楚宮終古怨恨流無窮

### 戰城南

朝戰城南門暮戰城北郭殺氣高衝白日昏劍光直射  
旄頭落聖人以五服限夷夏射獵耕織各自安土風胡  
為彼狂不自顧而與大國爭長雄高帝定天下遺此平

城憂陛下宵旰不遑食擁旄仗鉞臣不羞登南城望北  
土雲茫茫土膻膻蚩尤禍牙雷擊鼓舉長戟揮天狼休  
屠日逐渾邪王羶車尾尾連馬羊橐駝載金人照耀紅  
日光逍遙而來歸帝鄉歸帝鄉樂熙熙際天所覆罔不  
來小臣獻凱未央殿陛下垂拱安無為

### 君馬黃

君馬黃我馬驪二馬八足爭驅馳回頭顧影雙驕嘶尾  
端散作赭虹飛黃馬昨日黃金晶驪馬謂是玄天精眼  
前好醜那能明吾聞良驥稱以德不聞矜此驪黃色世  
無伯樂識者誰有德無色空自知

### 思悲翁

弱齡輕日月邁景想神仙顧往諒無及待來徒自憐黃  
金棄砂礫劬心鍊丹鉛鑿石不得水沈劍徒窺淵流光  
不我與白髮盈華顛杖策出門去十步九不前歸來對  
妻子塵竈午未烟千時乏計策退畊無園田霜蒲怨青  
松逝天恨驚弦已矣復何道吞聲赴黃泉